



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Eidem.

urn:nbn:de:hbz:466:1-20006

nica justitia. Ad indicium autem tam jurisdictionis Romanae Ecclesiae, quam libertatis vestrae, libram uham argenti nobis nostrisque successoribus annis singulis exsolvetis. Si qua igitur &c. Datum Roma apud sanctum Petrum per manum Rainaldi Domini Papae Notarij, vicem agentis Cancellarij, III. Non. Maij, Indictione prima, incarnationis Dominicæ M C XCVIII. pontificatus vero Domini Innocentij Papæ tertij anno primo.

V V I L L I E L M O R E M E N.
Archiepiscopo, sanctæ Sabine
Cardinali.

Epiſt. iiii.
Vt electo Cameracensi liceat
resignare iutu; & ut eligatur
alias idoneus à
Capitulo, intra
mensum, vel in-
stitutatur aucto-
ritate aposto-
lica.

CVm illos qui ad prælationis officium evocantur esse deceat sollicitos & attentos ut tanquam boni pastores vigilias noctis custodianter super grege sibi commissio, ne lupus rapiat vel disperget, qui propter impedimentum cordis aut corporis aliquando ad hujus officij onus electi suam insufficientiam recognoscunt, & malunt prælationis officium resignare quam velint sub eorum regimine gregem dominicum depere, gratum exhibent Domino, sicut credimus, famulatum, & petitionibus eorum favor est apostolicus impendens: quia tutius est in Ecclesia non praesse, quam non prodesse, qui prælunt. Licet autem occulta cordium ille solus intelligat qui renum est scrutator & cordium; quia tamen à nobis tam ex parte tua quam dilecti filij Cameracen. electi exitit postulatum, ut si idem electus cujuspam infirmitatis conscientius, propter quam ad regimen ipsius Ecclesiae insufficientis dignoscitur, vellet sine pravitate aliqua resignare, liceret tibi eandem recipere cessionem; volentes, quantum cum Deo possumus, Cameracen. Ecclesiae providere, auctoritate tibi presentium indulgeamus, ut si electus ipse propter prædictam causam sine pravitate renunciare voluerit, resignationem ipsius apostolica auctoritate recipias, & ascitis tibi venerabilibus fratribus nostris Atrebaten. & Ambianen. Episcopis Canonicos prædictæ Ecclesiae studiosius moneas & inducas ut infra mensum post admonitionem vestram, personam idoneam sibi communiter juxta sanctionem canonicanam eligant in pastorem. Si vero in electione facienda omnes, vel major & senior pars, non po-

tuerint convenire, ut ab eadem Ecclesia dissensionis in electione amoveatur materia, per quam jamdudum plurima sustinuisse dignoscitur detrimenta, ex tunc tu pariter cum prædictis Episcopis, vel eorum altero, si ambos habere non poteris, non obstante contradictione vel appellatione cuiuslibet, præficiendi ipsi Ecclesiae personam idoneam in pastorem liberam habeas auctoritate apostolica facultatem. Nulli ergo &c. Datum Romæ ut supra V. Idus Maij, pontificatus nostri anno primo.

E I D E M.

CVm ad ecclesiastici honoris augmentum tuam solicitam cognoscimus voluntatem, tanto tibi propensius in Domino congaudemus, quanto personam tuam sinceras caritatis brachiis amplexamur, & te tanquam præcipuum Ecclesiae membrum in domo Domini desideramus evidenter elucere. Pervenit siquidem ad audientiam nostram, quod cum ad ampliationem divini cultus & honorem Ecclesiae Gallicanæ in Castro tuo, quod Mosomum dicitur, in abbatia ejusdem Castri dispositisses novum episcopatum erigere, a felicis recordationis Celestino Papa prædecessore nostro super hoc licentiam postulasti: qui fratrum deliberto consilio, sicut in ejus literis continetur, tibi per scripta sua concessit, ut de assensu carissimi in Christo filij nostri Illustris Regis Francorum, de consilio etiam venerabilium fratrum nostrorum Atrebaten. & Ambianen. Episcoporum, illud apostolica auctoritate suffultus, nullius contradictione vel appellatione obstante, in hujusmodi negotio agere procurares quod ad honorem Dei & Ecclesiae cognosceres pertinere, illos ecclesiastica districione percellens qui tibi super hoc ducent temeritate qualibet resistendum. Nos igitur ejusdem prædecessoris nostri vestigis inharentes, de fratrum nostrorum consilio, ut in prædicta abbataria juxta præscriptam tibi formam a prædecessore nostro episcopatum erigere valeas, vel si malueris in eodem Castro Cathedram Ecclesiam, cui præficiatur Episcopus, fabricare, liberam tibi concedimus auctoritate apostolica facultatem: ita tamen quod ab eodem monasterio

Epiſt. iiii.
Quod novam
Cathedram ipſi
erigere licet.
Ceterobis tamē
in illos dies nō
convertantur,
sed ceterobis
permancant.

monachi nullatenus excludantur, ne forte venire contra sanctiones canonicas visideremus, quibus provida fuit deliberatione statutum, ut quae semel Deo dedicata sunt monasteria, semper maneat monasteria; cum & hodie generaliter statuatur ut ordo monasticus, qui in aliquo monasterio secundum Deum & beatuam Benedicti regulam dignoscitur institutus, perpetuis ibidem temporibus inviolabiliter obseretur. Si vero predicatorum Episcoporum copiam habere non poteris, tu cum eorum altero juxta prescriptam formam in ipso negotio procedendi habeas potestatem. Nulli ergo &c. Datum ut suprà.

E I D E M.

Epiſt. 153.
Quod ipſi in
novo ſuo epि-
ſcopatu dignum
aliquem virum
preficeret li-
cet.

Cum in ecclesia Dei ex dispositione divina locum obtineas dignorem, petitionibus tuis tanto libenter favorem apostolicum impertimur, quanto eas credimus ex maturiori deliberatione procedere, & personam tuam cognoscimus ad augmentationem ecclesiasticae dignitatis sollicitius aspirare. Cum igitur tibi tam a felicis recordationis Celestino Papa praedecessore nostro quam a nobis de fratribus nostrorum consilio sit indulatum ut infra Castrum tuum, quod Mofsum dicitur, in abbatia ejusdem castri valeas episcopatum erigere, vel si malueris in eodem Castro aliam Cathedralem Ecclesiam, cui præficiatur Episcopus, fabricare, ut laudabile tuæ voluntatis propositum melior sequatur effectus, & ad exaltationem novi episcopatus studias affectuosius & intendas, personæ tuæ, quam prærogativa dignitatis honorare volumus speciali, auctoritate presentium indulgemus ut liceat tibi, quoad vixeris, personaliter in eodem episcopatu, eorum requisito assensu quibus Episcopus præficiendus extiterit, nullius contradictione vel appellatione obstante, personam idoneam instituere in Pontificem, qui populo sibi commisso præesse valeat & prodeat. Nulli ergo &c. Datum &c. ut suprà, vii. Idus Maij.

M A G I S T R O G V I S E L I N .
Subdiacono nostro, Cancellario
Tornacen.

Epiſt. 154.
Sententia Car-
dinallis Remē-
fi à Papa con-
firmatur.

Cum a nobis peritur &c. usque ad verbum illud effectum. Ad audienciam nostram siquidem te referente per-

venit, quod cum felicis rec. Celestinus Papa praedecessor noster causam quæ vertebatur inter te & Laurentium Clericum de Brugis, super praebenda spectante ad magisterium scholarum sanctæ Mariae in Brugis, venerabili fratri nostro Villielmo Remen. Archiepiscopo sancte Sabinæ Cardinali commisisset fine debito terminandam, ipse allegationibus utriusque partis auditis & cognitis, de prudentum virorum consilio te ab ipsius impetitione absolvit, super hoc perpetuum silentium imponens eidem. Nos igitur quod per eundem Archiepiscopum factum est volentes debitam firmatatem habere, praebendam ipsam, sicut justè possides & quietè, devotioni tuae auctoritate apostolica confirmamus &c. Nulli ergo &c. Datum Romæ apud sanctum Petrum i v. Non. Maij.

TORNACEN. EPISCOPO.

Cum Ecclesiarum omnium cura nobis immineat pastoralis, sic nos convenit circa utilitatem ipsarum attentiū vigilare, ut quæ male ordinata sunt in eis, in statum revocentur auctore Domino meliorem. Intelleximus siquidem per petitionem ex tua nobis parteorrectam, quod redditus duodecim Altarium, qui ad mensam episcopalem specialiter fuerant deputati, quidam praedecessorum tuorum retroacto tempore minus rationabiliter distraxere. Volentes igitur tibi & Ecclesiae tuae paterna solicitudine providere, ut redditus illos, qui in præjudicium tuum a mensa episcopali irrationaliter sunt subtraicti, tibi liceat appellatione remota legitimè revocare, fraternitati tuae auctoritate presentium indulgemus. Nulli ergo &c. Datum &c. ut suprà, vii. Non. Maij.

CANONICIS ECCLESIAE
beatæ Mariæ Tornacen.

Epiſt. 155.
Ut à decellori-
ribus alienata
revocet.

Cum a nobis petitur &c. usque ad verbum assensu, ut redditus, qui a diversis donatoribus ad usum Vicariorum Ecclesiae vestrae, qui non sunt majoris altaris servitio deputati, per temporum vices proveniunt, colligantur in unum, & per ministros vestros inter eosdem Vicarios aequaliter dividantur, qui communis assensu Capituli, secundum antiquam & rationabilem Ecclesiae vestrae consuetudinem institui valeant, & similiter amoveri, liberam vobis auctori-

Epiſt. 156.
Ut fructus Al-
tarium Vicariis
aequaliter di-
vidantur.

L iii